



অবিলম্বে প্রকাশের উদ্দেশ্যে: 12/20/2021

গভর্নর ক্যাথি হোকল

কোভিড-19 এর প্রতি সাড়াদানের ব্যয় বহনে কাউন্টিগুলোকে সাহায্য করতে গভর্নর হোকলের নতুন তহবিল বরাদ্দের ঘোষণা

টিকা, বুস্টার, পরীক্ষা সম্পর্কিত খরচ এবং মাস্ক-সংক্রান্ত ব্যয় বহনের জন্য সহায়তা প্রদান করা হবে

এসব তহবিল ছুটির মৌসুমে সংক্রমণ বৃদ্ধির সময়ে আক্রান্তের সংখ্যা বৃদ্ধি মোকাবেলায় কাউন্টিগুলোকে সাহায্য করবে

ঘরের ভেতরে একত্রিত হওয়ার এই মৌসুমে টিকা গ্রহণ করা, বুস্টার ডোজ নেয়া এবং মাস্ক পরিধান করা নিরাপদ থাকার সেরা উপায় হিসেবে রয়ে গেছে

গভর্নর ক্যাথি হোকল আজ ঘোষণা করেছেন যে তিনি নিউ ইয়র্ক স্টেটব্যাপী কাউন্টিগুলোর জন্য টিকাদান ও বুস্টার ডোজ প্রদানের কার্যক্রম পরিচালনা এবং গত সপ্তাহ থেকে কার্যকর হওয়া ঘরের ভেতরে জনসমাগমের স্থানগুলোর জন্য মাস্ক-অথবা-টিকা শীর্ষক ম্যান্ডেট বাস্তবায়নের সাথে সম্পর্কিত ব্যয় বহনের উদ্দেশ্যে 65 মিলিয়ন ডলারের তহবিল বরাদ্দ করতে যাচ্ছেন।

"টিকা গ্রহণ করা এবং মাস্ক পরিধান করা কোভিডের বিরুদ্ধে লড়াই করা এবং নিরাপদ থাকার সবচেয়ে নিশ্চিত উপায়, এবং এই তহবিল স্টেটজুড়ে কাউন্টিগুলোকে জানুয়ারির মাঝামাঝি সময় পর্যন্ত যুক্তিসঙ্গত, দায়িত্বশীল ও কার্যকর মাস্ক-অথবা-ভ্যাক্স ম্যান্ডেট বাস্তবায়ন করতে সাহায্য করবে," বলেছেন গভর্নর হোকল। "এই মহামারীর বিরুদ্ধে লড়াই করতে এবং নিউ ইয়র্কবাসীদেরকে প্রত্যেকের নিরাপদ থাকার মতো সরঞ্জাম প্রদান করতে স্টেট বিস্তৃত পদক্ষেপ গ্রহণ করছে। কোভিড ছড়ানোর পরিবর্তে, চলুন আমরা ছুটির দিনের আনন্দ ছড়াই এবং টিকা গ্রহণ করে এবং ঘরের ভেতরে জনসমাগমের স্থানগুলোতে মাস্ক পরে নিরাপদে সেটা করি।"

অধিকাংশ কাউন্টির জন্য 1 মিলিয়ন ডলার পর্যন্ত বরাদ্দ দেয়া হবে, এবং অপেক্ষাকৃত বড় কাউন্টিগুলো 2 মিলিয়ন ডলার পর্যন্ত তহবিল পাওয়ার উপযুক্ত হবে। যদিও স্টেট প্রত্যাশা করে যে শীতকালীন সংক্রমণ বৃদ্ধির সময়ে এবং এই ছুটির মৌসুম শুরুর সময়ে নিউ ইয়র্কবাসীরা নতুন আবশ্যিকতাগুলো অনুসরণ করার গুরুত্ব অনুধাবন করতে পারবেন, স্থানীয় স্বাস্থ্য বিভাগগুলো আবশ্যিকতাগুলো বাস্তবায়ন অব্যাহত রাখবে। এসব নতুন তহবিল 10 ডিসেম্বর "মাস্ক-বা-ভ্যাকসিন" ম্যান্ডেট ঘোষণা করার পর থেকে 15 জানুয়ারি, 2022 তারিখে এটির মেয়াদ

শেষ হওয়ার আগ পর্যন্ত কাউন্টিগুলো ও স্থানীয় স্বাস্থ্য বিভাগগুলোর বহন করা ব্যয়ের জন্য প্রয়োজ্য হবে, এবং স্বাস্থ্য বিভাগের (Department of Health) কাছে জমা দেয়া একটি আবেদনের মাধ্যমে পরিশোধকৃত অর্থ রিফান্ড হিসেবে প্রদান করা হবে। উপযুক্ত খরচগুলোর মধ্যে টিকা, বুস্টার গ্রহণ, এবং/অথবা পরীক্ষা করানোর সুযোগ অফার করা যেকোনো সাইটের জন্য কর্মী ও সুনির্দিষ্ট ভেন্যু সংক্রান্ত খরচ; মাস্ক, টেস্ট, ও টিকা/বুস্টার বিতরণের সাথে সম্পর্কিত কর্মীদের খরচ; মাস্ক প্রটোকল বাস্তবায়নের সাথে সম্পর্কিত কর্মীদের খরচ; এবং মাস্ক-বা-টিকা প্রটোকল সম্পর্কে জনসচেতনতামূলক প্রচেষ্টার ব্যয় অন্তর্ভুক্ত রয়েছে।

স্বাস্থ্য বিভাগের ভারপ্রাপ্ত কমিশনার ড. ম্যারি টি. ব্যাসেট বলেন, "শীতকালীন সংক্রমণ বৃদ্ধি মোকাবেলার জন্য কয়েক স্তরে প্রশমনের পদক্ষেপ গ্রহণ করা জরুরি। নিউ ইয়র্কবাসীদের স্বাস্থ্য উন্নত করতে ও সুরক্ষিত রাখতে স্টেট সম্ভাব্য সব কিছু করে যাচ্ছে, এবং এই নতুন তহবিল স্থানীয় কমিউনিটিগুলোতে মাঠ পর্যায়ে এসব প্রচেষ্টা সমর্থনে সাহায্য করবে - যাতে তারা কমিউনিটির সদস্যদের নিরাপদ রাখার জন্য তাদের প্রয়োজনীয় সংস্থানগুলো পেতে পারে। আক্রান্তের সংখ্যা এবং হাসপাতালে ভর্তির সংখ্যা বৃদ্ধি পেতে থাকায়, আমাদেরকে অবশ্যই মনে রাখতে হবে: আমাদের কাছে নিজেদেরকে ও আমাদের প্রিয়জনদের সুরক্ষিত রাখার প্রয়োজনীয় সরঞ্জাম রয়েছে। পরীক্ষা করা, মাস্ক পরা, এবং যেটা সবচেয়ে গুরুত্বপূর্ণ—টিকা ও বুস্টার ডোজ গ্রহণ করার—অ্যাক্সেস প্রদানে স্থানীয় কাউন্টির স্বাস্থ্য বিভাগগুলোকে সহায়তা করতে তহবিল সম্প্রসারণ করা এই ভাইরাস ও ওমিক্রন ভ্যারিয়েন্টের বিরুদ্ধে আমাদের সেরা প্রতিরক্ষা হিসেবে রয়ে গেছে।"

স্টেটব্যাপী মাস্ক-অর-ভ্যাক্স ম্যান্ডেট বাস্তবায়নে অংশগ্রহণ করা কাউন্টিগুলো এই বাড়তি সহায়তা পাওয়ার জন্য আবেদন করার উপযুক্ত হবে। সব কাউন্টির জন্য অন্য খরচগুলোর জন্য সেপ্টেম্বর মাসে বরাদ্দ করা 65 মিলিয়ন ডলারের একটি পৃথক থেকে এখনো তহবিল লভ্য রয়েছে।

এই ঘোষণাটি এমন সময়ে দেয়া হলো যখন ছুটির সময়ে আক্রান্তের সংখ্যা দ্রুত বৃদ্ধি পাচ্ছে এবং গভর্নর হোকলের প্রশাসন হাসপাতালে ভর্তি হওয়া এবং সংক্রমণের সংখ্যা যথাসম্ভব কম রাখার জন্য আগ্রাসী পদক্ষেপসমূহ গ্রহণ করে সাড়া দিয়ে যাচ্ছে।

সাম্প্রতিক এই সংক্রমণ বৃদ্ধির জন্য কোভিড-19 এর ডেল্টা ও ওমিক্রন ভ্যারিয়েন্ট এবং এই ছুটির মৌসুমে ঘরের ভেতরে জনসমাগম বৃদ্ধি পাওয়ার বিষয়টি ভূমিকা রেখেছে। শুক্রবারে, গভর্নর হোকল স্টেটব্যাপী 40টিরও বেশি নতুন টিকাদানের পপ-আপ সাইট চালু হওয়ার [ঘোষণা দিয়েছেন](#)।

এছাড়াও প্রশাসন নিউ ইয়র্কবাসীদের জন্য পরীক্ষার লভ্যতা বৃদ্ধি করতে আগ্রাসীভাবে কাজ করে যাচ্ছে, যেখানে গণ টিকাদানের কেন্দ্রগুলোতে পরীক্ষা সম্পন্ন করা হচ্ছে, শীঘ্রই একটি পরীক্ষা সংক্রান্ত অনলাইন পোর্টাল চালু হতে যাচ্ছে এবং জানুয়ারি মাসের শেষ নাগাদ স্থানীয় স্বাস্থ্য বিভাগগুলোতে 10 মিলিয়ন নতুন টেস্ট কিট বন্টন করা হবে, যার মধ্যে 5 মিলিয়ন নববর্ষের দিনের আগেই সম্পন্ন করা হবে।

বুস্টার শটগুলো দ্রুত ও নির্ভরযোগ্য উপায়ে বিতরণের ক্ষেত্রে কাউন্টিগুলোকে সহায়তা করতে সেপ্টেম্বর মাসে গভর্নর হোকল [65 মিলিয়ন ডলারর একটি পৃথক তহবিল ঘোষণা করেছিলেন।](#)

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)